
ЮҚОРИ РЕЙТИНГЛИ БАНК ИШ БОШЛАДИ

Хабарингиз бўлса, Ўзбекистон Республикаси Марказий банки Фарғона шаҳрида “Tenge Bank” акциядорлик тижорат банкининг “Фарғона” филиалини рўйхатдан ўтказганлиги тўғрисида маълумот берган эди.

Бугун Фарғона шаҳрида мазкур банк филиалининг очилиш маросими бўлиб ўтди.

Унда вилоят ҳокими Хайрулло Бозаров иштирок этиб, вилоятимизда халқаро стандартлар даражасида хизматлар кўрсатиш, шу билан бирга мижозлар ва акциядорларнинг маблағлари хавфсизлигини, самарали жойлаштирилишини ва кўпайишини таъминлаш мақсадида очилган мазкур банк келгусида иқтисодиётнинг устувор тармоқларида товарлар экспорти ва импортнинг ўсишига кўмаклашишига, тармоқ корхоналарини молиявий қўллаб қувватлаш амалиётини шакллантиришга хизмат қилишига ишонч билдирди.

Moody's агентлиги томонидан “барқарор” истикболга эга B1 даражасидаги юқори рейтингга эга бўлган “Тенге банк” шу кунга қадар маҳаллий тадбиркорларни 70 миллион АҚШ долларига яқин маблағ билан таъминлаган.

“Tenge Bank” АТБ томонидан юридик шахсларга - кичик ва ўрта бизнес корхоналарига барча турдаги хизматлар кўрсатиш, жисмоний ва юридик шахсларга касса хизматлари, кредит маҳсулотлари бўйича хизматлар - автокредит, микрокредит ва микроқарз, ипотека кредитлари ва корпоратив мижозлар учун кредитлар, савдони молиялаштириш – Кафолатлар ва аккредитивлар, ташқи савдо шартномалари бўйича экспорт-импорт оперециялари, тўлов карталари – Uzcard, Humo, Visa ва Mastercard, валюта айирбошлаш операциялари - Доллар, Евро, Т каби хизмат турлари кўрсатиб келинмоқда.

Банк ўз мижозларига хизмат кўрсатиш сифати ва тезкорлигини таъминлаш мақсадида соҳада қўшимча 36 та янги иш ўринларини яратди.

Банк соҳасидаги ислохотлар самараси ўлароқ “Тенге банк” филиалининг очилиши вилоят иқтисодиётини 2-3 бараварга оширади, банклар ўртасида соғлом рақобатни шакллантиради, банк мижоз учун хизмат қилиш принципига амал қилади.

Фарғона вилояти ҳокимлиги

2020-11-28 12:20:13